

M030: Benediktbeuer Gebet zum Messopfer

- 1,1 Obereftiv magenchraft. vať all diner geſchaft.
 1,2 ſcöve an dine chriſtenhêit. vvariv heriv gotheît.
 1,3 dizze opfer daz vvir dir hie tûn. daz iſt din ainborn fun.
 1,4 enphahe vvife vaťheit. dineſ chriſteſ funhait.
 1,5 bedenche bidir felben in. vñ bedenche öch vnf an im.
 1,6 in bi diner gothait. vnf bi finer menniſchait.
 1,7 ſin gothait div iſt mit im din. vnſer iſt div liche ſin.
 1,8 vñ iſt iedoch daz unſerdin. du la daz din daz unſer ſin.
- 2,1 Erfamenot unſer menniſchâit. an ſich zû diner gothâit.
 2,2 daz vvir ſin mit im gemaine. als er iſt mit dir al aine.
 2,3 vnſer bilde er an ſich nam. da bi er dich an unſ erman.
 2,4 er gab unſ zevvandelſ ſich. daz vvir bi im manen dich.
 2,5 daz er deſ unſern nam an ſich. im zelîbe vñ ovch ze lich.
 2,6 daz gab er unſ zeniezen vvider. daz im niht entvvhfen ſiniv lider.
 2,7 vvir ſin mit ſamt im ain. vlaiſch lih uñ gebain.
 2,8 vñ daz daz uon im müze leben. dem rûche er ſinen gaiſt zegeben.
 2,9 alſo ſamnot er chunneſcaft. zvvifcen im vñ finer geſcaft.
 2,10 da uon dîe rehten ſint. ſine brûder vñ ſiniv chint.
 2,11 mit im ain gaiſt vñ ain mṽt. vlaiſch gebaine uñ blût.
 2,12 erben vñ ſîptail. getailen ande^m erbe tail.
- 3,1 Vnſer herre iñu chriſt. din fun uon nature iſt.
 3,2 ſo gab unſ div milte ſin. daz vvir ſûne uon gnaden ſin.
 3,3 fvvîe vvir daz ellende noch. mit funden bûvven ſo iſt iedoch.
 3,4 der unſ uertilige unſer ma^eil. zehimele unſer ſîpetail.
 3,5 du rûhte unſer opher ſin. uon der magenchrefte din.
 3,6 von div nim uon unſ vurgût. hîe ſine liche vñ ſin blût.
 3,7 vvir uinden niht gelicheſ dem. daz uor dinen ȝgen zem.
 3,8 vñ unſern funten vvider vvêge. ṽf diſes ellendeſ vvege.
 3,9 enpha=he ez uon deſ prieſterſ hante. vñ vvîſ bi im dar an gemant.
 3,10 daz ez dir gename ſi. durch dîe di=ne namen drî.
 3,11 habe ṽf dineſ zorneſ flach. den vvir arnen naht uñ tâc.
- 4,1 vvir bieten vûr zeſcherme den. der den zorn dir beneme.
 4,2 din gûte mach gezurnen niht. ſo ſi folhe maſen ſiht.
 4,3 die er zephand^e trait. der durch unſ die martere lâit.

- 4,4 blîche fine vrîfche vvunden an. vñ bedenche unf vvol daran.
4,5 daz er durch daz din gebot. vnf zehelfe lâit den tât.
4,6 verlih unf folhe ſalichêit. daz vvîr mit rehter innerchêit.
4,7 fine marter im gehugen. vvande vvîr an dich nîne mûgen.
- 5,1 ôch bite vvîr dich herre. durch der vvandelunge êre.
5,2 vnde ſich dizze opher tût. zechrifteſ liche uñ zefinem blût.
5,3 zefalde aller chriftenhât. du vvende unf elliv unfîriv lêit
5,4 vñ fvvaz an un^s allen. gedanch vñ vvillen.
5,5 vverch vñ vvorte. vvîder dine uorhte.
5,6 vñ vvîder dinen vvillen îft. daz vvende unf durch den dinen chrîft.
5,7 der innechlichen evve=chât. vnde einer vvaren gotehât.
5,8 in def hailigen gaifteſ ainunge. zerehter ebenhell~~un~~ge.
5,9 mit dir îft êin nom̃. voñ evven zevven AMEN.